

洛寧縣志

洛甯縣志卷之三

土地部

寺觀志

邱墓附

梵宇琳宮遍天下東都白馬實開經樞之先洛陽伽藍薈萃成記昔所艷稱矣永寧洛西僻壤文人學士游履罕到無詩文以標山水之勝多泯滅無聞夫二氏之教雖難與吾道樹幟然為國祝釐為民祈福君子亦有取焉載其自魏及唐宋元舊建重修者使蘭若丹壇猶存古意栽田博飯可以佐焚修而已若永邑之俗舉債以侈土木捐產以養僧道俚文俗字充物道塗者不載焉至名賢節士荒草一杯甯不足與壞刹荒壇同為弔古者所感喟歟禁牛羊之踐巖樵采之傷亦愆為質者所當念及也

洛甯縣志

卷三 寺觀志

一

翊中石印館印

福昌寺 在治北鳳翼山麓唐貞觀元年僧照公建名香積院宋太平興國間改曰福昌元大定二年明宣德四年隆慶六年 國朝康熙二十五年重修

重修福昌院功德碑記

大雄氏之立教也道有四焉修崇恭信之謂乎修持崇飾恭重信奉矣曩者王城遁跡雪嶺練心登正果於連河救羣迷于苦海得不謂之修持乎擇地獻樹布金為園大編龍藏之文克集雨花之會得不謂之崇飾乎展髮襯步捧沙寶孟飛錫則龍虎收威護戒則鬼神執事得不謂之恭重乎捐軀得偈越國永經擲空有閣筆之靈投火見不灰之驗得不謂之信奉乎四者兼備一以貫之伊彼苦空之性誠為堅久之行宗有相之道緣達無生之階潮宜其葺伽藍興像設况乎中人易染見善則遷六通將能仁為功十地以善誘成教化人之說傳燈之喻創金碧之麗導堅執之性者今見之矣安定士

君丹穴殊姿崆峒正氣帶 韃而歷試雖熟武功提鉛槧以增勤未佞儒士親田衣之侶蘊高尚之行味具葉之文得解脫之趣目茲香刹有所未其況此院置自有唐舊名香積迄於太平興國載上命改福昌之號倚翠峯而作固眺清洛以標奇松篁堪憩於瓶盂泉石可棲於禪律忍使叅元釋子結夏緇流將持宴坐之心曾無解榻之所由是捨淨賄易良材於院之西偏構僧堂一座行廊七間瓦木宏莊床座臻潔遠近之信心咸仰往來之白足有歸又以法輪雖轉食廚尚隘敞其舊址改作新現於院之東序建厨屋三間柱礎堅完户牖嚴麗釋迦成道當供養於乳廩居壬延賓貴神通於香積仍以巾盂集會庖爨顯朗洗心滌慮顧法雨以可憑淨垢潔身指蘭湯之是務又於東南隅造浴室三間杏棟飄香綺疏耀彩長供金鼎引漱玉之寒流高護土階罄他山之貞石矧欲化彼愚迷彰其善惡拔無間之業力歸不退之真宗又於西北隅起十王堂一座遠求塑手遐召畫工道師方照於邪途王者

咸趨於法會而於大殿內粧塑當尊兼展覆塔磨礮博城懿夫士君之作良因也厥旨遠矣始則實其有闕終則濟其將來雲侶有室香膳有厨澡身定免於六塵覩相已超於九橫奉宣聖達人之理遵老氏後身之言勝杲既畢美行將書爰命謏才俾陳盛烈抽鼠鬚而搜妙思有謝多能披鳥跡而見良緣無慙直紀時大宋淳化四年歲次癸巳閏十月三日建守秘書省著作佐郎李用晦撰

重修福昌大殿記

夫王道正外户不扃德在股肱佛道備萬法揔持功歸大士法無廢興宏之由人當土崩瓦解之際修純紺實光之殿誠謂難之又難苟非內護 梨教門真子其孰能與於此焉河南洛川永甯縣官道北一里餘鳳翼山脚有古寺一所首基故唐上方香積院高閣層樓仰眺女儿萬峯俯視清流一水松柏藹蔚迺昔賢君子祈福燕游之處更涉五代存而不毀亦有神人密祐暨

至有宋僧衆廟廡榮曜尤甚五院星攢良工鬪巧獨一佛殿佷小無人歸敬又遭兵火焚毀盡矣有本寺竹林院主沙門諱福照俗娃張卒縣人天性貞質好義多仁順世和光雖不學為累有行豐之節操無宗美之權依大器晚成亦浮圖氏之出類者乎尊殿未立照公喟然嘆曰大雄三界法主化身百億人師大厦弗成信奚歸向豈免異人譏誚顯釋子之中無志人也遂發移山煮石之確誓運起進修不退之堅心捐生之積蓄之資金化人之難取之喬木搜尋郢匠擇選班公計日尅時猶集蜂聚蟻施功助役人皆樂為爰自貞元元年内下手治基適遭寇盜撓攘或散或聚積留二十餘年所費極多厥功莫就譬抱石泣玉時之未也賴我皇朝聖化海内父安建刹度僧重光佛日照酌宿願再啟丹誠夜燃海岸之香遍禮十方諸佛奠垂加護遠離魔障罄力經營至正隆六年土庠慶來役夫辭去靡不稱奇頂禮嘆曰善哉大殿已成存亡有託徘徊轉角五間六椽戶牖門窗悉皆周備合規合矩不

華不野琉璃覆盖其上與天同色人間少有后雖有作者除國力外誠無過此斯則照公堅確洞貫金石心願攸感得圓宿志歲當丁亥月律無射潛溪比邱法潤持狀而來委余作誌頌實余年耄朽不能序事清潤直書梗概忝記歲月日大定二十二年十二月奉親禪院嗣敏撰

聖水寺 在馬村保魏太和二年僧了公建明洪武間僧了英修萬歷間又修普通寺 在王范保魏至正元年海禪師建元至正七年僧明珠修 國朝順

治十六年重修

紫蓋寺 在馮東保隋大業二年僧清公建元至正七年重修明正德年重修 國朝雍正九年乾隆十一年重修

華嚴寺 在治西南舊府志在古村保唐貞觀元年僧善聰建元至正元年僧重遠修

寶嚴寺 在孫董保唐時建 國朝乾隆十一年四十七年修

白馬寺 在原村保唐貞觀十年禪僧建元至正元年僧志公重修國朝雍正十三年重修

慈雲寺 在凡村保宋宣和四年建元至正六年修明正德十年重修國朝乾隆三年五十二年重修

月山寺 在楊坡保宋天聖二年僧道月建元至正四年重修

甯刹寺 在大宋保金興定二年僧登雲建

竹林寺 在白馬原金正大中元好問撰記

見金石攷

大禪寺 在大宋保金大定五年僧青龍建

萬泉寺 在張村保元至正五年僧全公建國朝康熙乾隆年間重修

水峪寺 在礮山村西元至正元年僧悲公建明正統年間 國朝乾隆年間重修

華嚴寺 在王趙保元至正五年僧至公建

洛甯縣志

卷二 寺觀志

四

翊中石印館印

大覺寺 在冀莊保元至正元年修

福聖寺 在馬村保元至大六年修明嘉靖間重修

龍泉寺 在尋峪保元至正十七年建明萬歷二十年修

香泉寺 在王范保洪武十五年邑民劉于淵建天啟間重修

重修香泉寺記

鳳翼王范鎮之北二里有峻嶺焉曰延壽山半淵泉澄泓時出不竭其味甚甘酌之多壽且馨香異常不可言狀故云香泉建寺於茲以香泉名之所從來矣寺始創於唐歷年凡幾代矣國朝正統年間曾緣其壞而修葺之第缺而未備也二百餘年風雨漸侵傾頽殊甚殿宇蕭條神像暴露登臨於斯者有不目擊其情狀而惻然動念者乎本鎮廩膳生員鎖一貞等有慨於中自揣綿力不能獨造謀於衆稔知居民楊其才信士也素持齋而守戒可以修造勤事者乃敦請之其才一膺其任抒誠苦化前任孫僚文助以俸金課以勤慎不踰歲

而有成功焉正殿暨水陸堂白衣殿臺基水亭燦然具備煥然聿新可以脩美
一時狀麗百代矣余治永立政之暇遨遊其上乃見熊耳凌霄洛水汪洋綠竹
千頃松柏滿山景趣無盡令人欣賞不置者更命任聲等復建亭於香泉之傍
且濬之以池成之以梁臨流者有樂地觀瀾者有餘適也庶觀於前者益增而
光矣謹銘石以誌不朽天啟二年知縣湯思敬撰

戊申季夏偕同年王賓遠飲香泉絕句二首

通判
許勉燉

延壽山前水一灣松風爐火愛蕭閒紛紛肉食還堪鄙何似餘香沁齒間
二嶠視事剛三月料量文書早放衙半日勾留緣此水攜來好友共烹茶
興福寺 在吳村保明正統二年建成化二年修
萬壽寺 在馬村保
文明寺 在塢西保

洛甯縣志

卷三 寺觀志

五

翊中石印館印

延福寺 在塢西保

法王寺 在楊坡保

天堂寺 在楊坡保

千佛寺 在牛曲保

普雲寺 在王趙保

興龍寺 在管西保

河村寺 在河南保明天順年造今訛為河才寺

懸泉寺 在 保明成化年建 國朝乾隆年修

萬壽寺 在陶峪村相傳元大德年建明宏治嘉靖年間重修

大悲寺 在陳宋保未詳何時建明成化萬歷年間重修

雲壽寺 在小原村相傳唐時建明成化嘉靖年間繼修 國朝乾隆十四年

重修

福嚴寺 在東仇保不知何時建明正統年修 國朝康熙二十一年乾隆六年重修

聖壽寺 在大宋保亦不知何時建明萬歷年間修 國朝乾隆十九年修

清涼寺 在小仇保傳唐時建明天順年修

興隆庵 在 保不知何時建明萬歷年修 國朝乾隆七年重修

觀

寥天觀 在縣治南唐武德八年道士蘇邱建元正統五年修

青羊觀 在元村保元大德二年道士李純德建明洪武十年成化年修

龍泉觀 在尋村峪保元至正十七年道士馬德超建 國朝康熙四十七年

修

凌虛觀 在坊廓保元大德九年道士劉志清建

雲跡觀 在龔莊保明嘉靖十一年修 國朝康熙癸未修

洛甯縣志

卷三 寺觀志

六

翊中石印館印

通元觀 在管西保元至正九年道士任志欽修

靈陽觀 在東仇保 國朝康熙五十九年重修

廣陽觀 在東仇保

玉泉觀 在塢西保

長春觀 在王趙保歲久傾圮

靈虛觀 在王范保金正大間建元至元九年明成化年修

邱墓

夏孔甲墓 明一統志在永甯縣東北嶠山上

按嶠西在洛甯西北今以為東北誤

夏后皋墓 左傳蹇叔曰嶠有二陵焉其南陵夏后皋之墓也杜汪皋桀之祖

父

水經注石嶠水出石嶠山山有二陵南陵夏后皋之墓元和郡縣考二嶠山

又名嶽崙山在永甯縣西北

輿地廣記二嶠山連入硤石界其南夏后皋墓

晉盛彥冢 李通志冢在永甯縣東彥有孝行人稱孝公墓

晉書孝友傳彥字翁子廣陵人也母王氏因失明彥每言及未嘗不流涕於是不應辟召躬自侍養母食必自哺之母既疾久至於婢使數見捶撻婢忿恨伺彥暫行取蟻螯炙飴之母食以為美然疑是異物蜜藏以示彥彥見之抱母慟哭絕而復甦母目豁然即開從此遂愈陸然薦之刺史周浚

唐王質墓 金石攷唐左散騎常侍王質神道碑開成二年劉禹錫撰碑文云葬河南府永甯縣洛川鄉史原從舊阡也

宋穆仕墓 李通志墓在永甯縣北大邑保仕元帥

宋何頡墓 李通志墓在永甯縣東北楊坡保頡常從東坡學詩卒葬於此名為詩客塚

洛甯縣志

卷三 邱墓

七

翊中石印館印

宋花用吉墓 李通志墓在永甯縣東吳村保吉均州安撫使

金韋儀墓 焦郁碑儀武德將軍墓在金門山陰

金故武德將軍韋公碣

故武德將軍姓韋氏諱儀其先世韋賢仕漢為丞相公其苗裔也世歷弗稽至鄖公仕五代周有功故號封鄖迄於宋祖曰秀徙居京兆整屋縣父德贈敦武郎母孫氏贈封孺人後經兵亂基業殘燬逖居關土稍復卒業有子二長曰俊次曰儀才皆克類儀尤親炙主善博通武經時天下騷亂群雄嘯聚公一日謂兄曰吾等不幸生於亂世羞與編氓為伍苟勵志靖亂功名可圖兄壯其言而善之遂投卒郡廣銳軍適招求銳士公以驍騎應選得從范總領麾下披堅執銳搴旗斬將累世奇功錄充曲統制麾下凡所招募士卒專命訓練用致果毅率堪禦侮天會五年夏四月公率衆至虢州賊閭路子引兵與公戰一鼓獻馘遂定虢州范公表為保義郎冬十有二月賊衆再犯

虢公受命提兵擒殺始轉忠翊郎天會六年隨統制耿嗣宗復盧氏縣進援嵩州解圍陝州府暨宜陽諸叛賊楊偉□首泉潤什驅民數千口轉武功郎闔門宣贊舍人肇任虢州兵馬都監次任河南孟汝唐州兵馬使下五軍提轄公因遊歷宜陽永甯兩縣愛山明水秀物華人熙用自己積貯之貲置膏田一千餘頃至廢齊阜昌三年正月公率衆奏允差充虢州兵馬都監視事日久於坊廓置地一區安定縣買田四頃阜昌八年權大總管府差充環州兵馬都監未赴任尋改授諸路兵馬大總管府差應右軍統領至皇統八年公以老歸政為武節大夫尋換武德將軍驍騎尉卒於正隆元年十二月五日享壽六十有四公先娶原州王氏長一女適朱氏後娶虢州王氏無所出仍娶鄧州楊氏誕男朴尋娶趙氏封安人無所出男朴孝行純篤廬於墓側寢苦枕塊哀思哭痛服竟適追前志從徵皆有破敵之功蒞事則有滅私之道天性儉素動而有禮一方蒙休實終賴之於是思親涕淚斬

洛甯縣志

卷三 邱墓

八

翊中石印館印

山立垣穴石為棺樹碑鐫誌大定丙午歲工告成功九月三十日卜葬永甯太平鄉金門山之陰仍勒銘以垂不朽銘曰昔應勝 超然不群英資天賦卓冠三軍傾心効用呼兵雲集訓練既熟憂戚能分進取虢州出邁渠魁擒矢張弧揚音迅雷凶無不誅圍無不開鶴唳風聲披靡驚駭功成守官不受賄賂蒞政勤劬資身儉素病臻告殂永昭美故鐫銘開碑庶識君墓金太定二十六年立石進士阜昌焦郁撰

元薛元墓 施府治薛元字庸齋李通志作薛庸誤

舊府志元轉運使追封河南郡侯翰林學士承旨程鉅夫撰神道碑記

按府志及舊志程承旨碑文失載邑令張楷親詣王范鎮北原尋文靖公墓躡荆披棘摩洗舊碑文字完好碑陰載延祐年贈勅亦皆清朗命工榻出補載志中公墓與子學士友諒墓封堆皆夷惻然久之呼其後裔居寨溝村者至令稍崇為識清出四至禁厲立石碑表焉并於鎮西孔道傍樹碑使過客得以瞻思庶明賢棲魄之所不致湮沒云

元勅封故贈集賢直學士亞中大夫輕庫都尉追封河南郡侯謚文靖庸

齋薛先生神道碑

聖天子思以二帝三王之道致太平是故表彰六經尊寵儒生借以風勵天下意甚深也國朝河南徽之制行立言穎然當世縉紳尊之曰庸齋先生先生之子友諒今直翰林為學士天子知之延祐三年夏四月詔為先生樹碑墓道俾臣鉅夫壽其事於石臣於友諒同寅習知先生名德固願有所述也况又奉詔謹按薛氏自漢晉為汾陰大姓有東西南三族之別徙下邳者西族裔也先生家卒下邳世有顯者大父珪讀書力田不躡世好父沂明春秋經傳再與計偕廷策輒見卻歸而聚書窮理不復出衆仰其高以友諒貴贈中順大夫禮部侍郎車騎都尉河南郡侯配郭氏追奉河南郡君先生生而不群幼而有詩聲冠而載書偕表弟孫楨少華晝夜誦習不以避地廢束藜學書泉上石為之窪其勤類是從明理學者遊遂以聖賢為宗國初遊大同過應州高韓二帥喜而薦之中令耶律公得應州教授俾子弟學焉公與

間語輒擊節賞會沙門萬松問先生以孔子之道何者為要答曰君君臣臣父父子子松默服時進兵襄鄧中令荐之授檢察使督衛輝河南輝未及改轉運軍儲使以無乏明年召還賞白金百兩貂裘一楊奐秦中名士也廉訪河南慕欲與遊避居幕府先生從之始之居洛西甫閱歲謂僚窳曰進不能行其道徒羈缺網無為也即棄去一時英雋若中山楊果縉雲李徽虞卿麻革雲中孟攀鱗蒲城郭鎬李廷河中李獻卿洛陽宰沂皆友士也王文統柎國嘗羅致沂為真定勸曹使不得已而受陽為不事事至亡其告身及金符於洒家文統知而跡得之沂因自免歸文統聚歷代奇謀詭計為一書先生見而責之曰士君子如欲平治自有聖賢格言此何為者遂絕弗與通中統初召為平陽太原宣撫不起授河南提舉學校官亦不起日與女儿卒愿柳城姚樞稷山張德直太原元好問南陽吳傑獻韃劉繪緇州李國維濟南杜人傑解梁劉好謙講貫古學且以淑人伊洛之間復蔚然矣洛西山川

明麗先生卜築其要會重以花竹池泉之觀良時勝友觴咏游衍浩如也自公令以下咸謂洛西神僊先生高明樂易誘掖不倦及門者後皆知名官洛師者多名卿材大夫昕夕造席請益過者以獲識為幸遇異時瞻遺貌過故居猶慨然贊咏而不能忘二子友直終龍州判官友諒蚤以文學記室事安西王王薨官州掾三十年勝殘伸枉輿利去害皆有實狀最其大武陵涔陽活餓莩餘三十萬晚構精舍于洛西招徠教育迓續先生之盛心義方之明堂構之美蓋兩盡焉先生臨終不如藥具湯沐授治命為書別親知又題七言詩四句投筆而沒至元八年秋九月十日冬十一月葬永甯王范里北山之陽今贈集賢直學士亞中大夫輕車都尉追奉河南韃侯謚文靖配徐氏追奉河南韃夫人生友諒及王郝楊三婦次王氏生子二曰友直曰驥哥蚤世次任氏女八婿曰太常博士王頔曰陝西道按察副使郝繼祖曰集賢直學士劉適曰張經洛陽焦厚孫惟德楊師孟永甯張成孫男九曰濟終

山陽尉曰宜孫蚤世曰恭曰鼎安蚤世曰寬國子生曰裕谷成務使曰信永城儒學教諭曰敏曰惠孫女十有四先生為文辭得於心有易解中庸注聖賢心學編皇極經世圖說道德經解陰符經論說有詩三百篇適意集嗚呼若先生者可謂生有以樂死有以歸俯仰天地不愧不作者矣恩加蒸嘗延及臯宰不亦宜乎碑宜有銘銘曰大道之行三代之英元聖所至有紀有經未墜在人或措或舉顯允薛公其適惟魯吾師吾友莫或裨之匪以旦暮與千古期野有元黃吾有緇素飲水曲肱夢與天遇維伊之佐維洛之西昔程今薛室其遠而湛露及泉道隆時泰夫豈公榮百世永賴北山之陽林深石蒼嗚呼遠矣其存者長程鉅夫撰

元游環墓 李通志墓在永甯縣東北楊坡保環善詞賦

元全寶墓 李通志墓在永甯縣南河鎮寶永甯王

元張俞冢 李通志冢在永甯縣東俞蜀人遊驪山及韓岳卒葬此

元完顏光祖墓 在本縣西王范鎮大道有元給事中完顏光祖神道碑

府志 舊志

失載

元薛有諒墓 在縣西王范鎮北山原祔葬文靖公墓

府志 舊志 失載

明萬安王墓舊府志在福昌寺北原

荅祿與權墓 舊府志墓在城北原與權明翰林修撰

趙翥墓 舊府志墓在縣東南翥刑部尚書

宋禮墓 李通志墓在永甯縣錦陽山

明資政大夫工部尚書宋公墓銘

公諱禮字大本姓宋氏 之永邑人世有闕閱曾大父榮祖大父仁卿皆以積善著稱於鄉父彬至正末仕判山西臨州元亡遁迹田野國朝洪武中有司以賢良強起為蜀之儀隴令既至官有惠愛於其民未幾卒訃至公慟哭幾絕輒匍匐將往或止之曰川蜀險遠且近江流暴溢卒未可以去曰此其

可緩耶即日治資裝水行陸走越數千里始達儀隴奉喪歸葬鄉鄰祔孝焉公幼穎悟知讀書稍長有志於學期將以自見於世由是自鄉校以明經充貢禮部補太學生以才能選者皆待以不次歲庚午遂擢公為山西按察僉事持法嚴峻鋤奸剔蠹無少貸羈縣有司素貪戾為培克者皆側足屏息相戒莫敢犯公於善惡之類苗薶髮櫛無所私三晉之間率皆想望其風采以有所庇依癸酉以考滿上天官改除戶部山西主事遂日治簿書會計之務出納惟允愈益有聲己卯復出為陝西按察僉事其施於政者皆如在山西時而關右之所仰望而依賴之者亦若晉之民焉未幾復入刑部員外郎值太宗皇帝即位之初公署禮部方是時凡詔勅號令冊命封拜朝覲會同晏飲賞賚之事皆出禮官酬對捷給咸克稱旨由是擢公為禮部侍郎明年陞工部尚書時議建北京公承志旨取材川蜀既至飭有司率吏民歷谿谷險峻之地凡材之美者悉伐而取之由是梗楠杉檜之屬出峽道江漢涉淮

泗以輸於北者先後相屬也嘗得大木為馬湖一夕自行若干步不假人力事聞詔封其山為神木山為立碑焉未幾以秩滿赴京師賜手勅嘉勞留治冬官其於百工興作繕修之事無不具舉至是復承詔董役四川感疾而卒卒之日享春秋六十有四配葛氏先卒再娶胡氏子男二曰鑑曰銘女四一適同里劉震一適同寅劉仲廉之季子綬一適河南衛百戶孫仁一尚幼在室鑑泊長女葛氏所生餘皆胡氏出也孫男二延孫順孫其生元至正辛丑三月二十五日永樂甲辰七月乙酉卒訃聞喪歸葬以葬於鄉之錦陽山將葬其子鑑奉太子太保禮部尚書呂公所為行狀來請予銘惟公以材識超詣遇知於時歷官中外顯名終始其英聲偉績震於今垂於後者又可以泯乎遂為銘銘曰瞻彼洛西閩閱是崇善積慶流委祉於公公在亂髻厥志斯奮發其蘊儲際此昌運兩僉外臺憲軌肅清荐歷郎署益馳俊聲繼登儀曹克贊邦禮晚列冬官朱黻有煒迨于龍飛恩命維新公乃弗

祿念公舊臣休魄既歸妥此窀穸銘無媿辭以勒貞石廬陵曾棨撰

耿裕墓 舊府志墓在長水紫蓋山之陽裕吏部尚書盧氏人

吳整墓 舊府志墓在大宋保整給事中

田理墓 舊府志墓在塢東北山之陽理平涼教諭封御史

張孝子士益墓 舊府志墓在金門川德里村士益贈副都御史

張論墓 舊府志附葬祖塋論右副都御史四川巡撫大學士何吾騶誌其墓

程烈婦康氏墓 舊志墓在大宋川東宋村西烈婦程養味妻嵩賊陷東宋寨

投崖死以子福亮貴 國朝贈太夫人

張烈女墓 舊府志墓在塢西堡烈女名廂兒未嫁死夫喪 旌表

趙建極墓建極山西布政使流賊破太原殉節墓在西關外碑載康熙三年立蓋殉難時太原民瘞公屍後人迎歸葬此志俱未載今補之

張鼎延墓 舊志墓在永甯城東鼎延兵部右侍郎

兵部右侍郎張公神道碑銘

吳偉業

世祖皇帝御極之十年兵部右侍郎張公鼎延夙夜左右執事有恪 上憫其勤勞加恩賜金幣馳歸里公卿祖道於長安門外都人以為榮又六年公以病卒於永甯之故第其子兗州太守瑄吏科都給事中璿泣而言曰惟我 國家天造之初卿貳大僚不敢遽以骸骨為請有年至致仕者輒留宿衛奉朝請於京師其蒙 恩予告有之者先臣始是不可以莫之紀也又三年兗州服闋補淮安守而命偉業書公墓隧之碑謹按張氏陝西同州人始祖仲文避兵徙洛之永甯仲文以下六世諱士益緣其子中丞公貴得封中丞公諱論仕至四川巡撫都御史以元配段夫人生公公舉萬曆壬戌年進士起家行人考選兵科劾兵部尚書霍維華以罪廷諍惠安伯張慶臻賄改勅書及宣大總督張曉巡撫張三杰失事狀所言皆施行當時推其

讜直陞兵科都給事中在明季啟正之世蘭州土司奢崇明反連結水西中丞初按蜀繼受任滇撫克遂前功先後收復四十七城拓地二千里五峰山桃紅壩之捷馘其渠魁邛笮蕩之論公為西南第一方中丞歸自按蜀以清鄉居里負知兵名而公被擢在省垣將吏勇怯軍機進止皆其職所當執奏每在直中夜治文書參密画旬日不敢洗沐其劾張慶臻也上怒張慶臻勲舊掌京營行金主書竄易詔草文華召對事連長山相劉公鳩訓劉賢相其曲意慶臻有端受取事未得考實公雖糾擿慶臻無所避終不欲傅上怒致大臣辟故與御史吳玉持論並剴正而公微為持平在廷服其知國體後於平臺數被引見敷奏詳敏上以為能眷遇寢隆以中丞撫蜀子例不得居諫職請避歸忌者撫其里居事蜚語聞左官薄謫而中丞以功成納節矣流寇之渡河而南也首陷澠池盧氏次及永甯永山城不修礦盜亦動邑無真令民皆搖心中丞即巴渝之舊部遏宛雒之嚴衝誓衆登陴捐金犒士天

寒露止離風雪皸瘵之患城全身瘁屬疾不起公時已從行人司副再遷為南京吏部驗封司郎中職事修舉駸駸且復嚮用既奔喪成服伏闕上書曰臣父由定蠻方還扞鄉里戮力兵間致於僵仆惟主上念葛亮之渡瀘以勞定國憐子囊之城郢沒不忘君庾俾先臣死骨不朽上省章嫌其稱譽過實下所司按覈竟坐免官或以為用事者因徵文修舊郗非盡出於上意也監軍道湯開遠好直諫嘗追訟公曰永甯鄉紳張論以死勤事不蒙優錄并其子錮之熊耳以西塢壁以百數有不聞之解體乎閱七年李自成再起中州先破宜陽永甯而雒陽遂至不守公流離中條上形勢請於宜永之交如韓城三鄉者宿重兵守要害山道阨陜可以搯其吭而弗出且曰臣為親受譴不獲復奉闕廷敢因耳目所及一陳滅賊之策永填溝壑終無所恨上亦踴之然竟弗召也嘗憤中樞失策流涕告所知曰嵩山綿亘三百里宜永當適中之地永有東西二嶠之固尤足設險賊之出入秦豫警牙穿穴於其中始

先人守永即所以守雒守雒即所以守中原當時不圖其功復用為罪山民憤歎人無鬥志賊勢披猖未必不由於此嗟乎吾父子功罪已矣如國事何哉當自成破永公守南城事急主僕匿於埒井賊燭以炬弗見投之以石弗傷越兩日有一嫗來汲僕謀於公緣縋先上方及幕賊攜刃者至將加害嫗給言吾子也遂脫脫已嫗忽不見僕傳語其儕篝火井旁號公出之歸於溪源寨五日中夜心動跨驢急行天明而跡者至報曰已去乃免公有井異記著其事文多不載公之免也宗人多死兩子幸無恙避地河北懷縣間行歸營中丞窀穸於故山中賊騎充斥公晝伏林莽夜穿竈穴葬畢仰天而慟曰孤子自此可無憾矣汴梁之急也公建議秦兵雖奉詔來救賊銳甚未可爭鋒可駐師鞏縣扼虎牢之險為持久及孫傳庭敗於柿園歸秦掃衆復出閔自謂必勝公獨遺書 勿輕敵宜修復雒陽進戰退守出萬全之計迺吾謀適弗用而明已亡矣兩河並覆郡邑受偽署誅鋤大姓搜牢金帛公子弟

被執彭考惴惴宗族之弗會 卒朝受命大庇生民百度維新九品式叙公用薦徵拜吏詭驗封司郎中由驗封改考功管大計是時天下新定長吏丞尉軍中以便宜除拜皆白版攝守年勞治行掾史輒去其籍莫得勾稽公據典章覈流品浮偽必黜貪殘必懲奏免千有餘人銓格以正甲戌分校禮闈所得士有至公輔者累資晉太僕少卿換大理尋為正陟侍郎於工部為左於刑部兵部為右階通奉大夫再進秩一等禮遇視六卿蓋異數也其在大理刑部也屢決大獄亭疑奏讞依於仁恕仍抗章舉正職業申嚴律令不為煩苛大者定僕區之法寬株送之條盛夏請解出擊囚桀黠民妄指莊田詭勢自匿者必正其欺謾至今奉為絜令焉公為人曉習文法在事勤力鮮所囿隱同列或語以受任日淺宜引嫌避可否公擊腕出涕曰某遭卒鄉傾覆生類殄盡提攜細弱歸命聖朝出虎口攀龍鱗際風雲脫湯火若不能出身自効裨益萬分何以見陳許汝潁之士乎其居心盡節如此中丞有別

墅在金門山所產篔簹篠簞埒於江陵之橘成都之桑公之謝政歸田疇廬舍次第整比於其間立家廟設義莊以尊祖收族暇則偕鎖少參諸公為阡陌之游作五老圖自為文記之有勸之復出者笑弗應二子中外並歷顯仕垂組揭節歸拜公於德里公與廉夫人慨然太息曰吾出晉井之中上見烽火接天下見積屍撐距當此時未識軀命所在詎意今日骨肉復完鳴騶夾道上先人之邱隴哉語曰知足不辱 聖主之優老臣恩不可忘也公兄弟三人季曰世延夫婦死於兵公撫其二孤瑛琿有恩紀廉夫人視遇如所生人以為難夫人事公母段太君以孝內治肅飭先於公二年以沒公字慎之別字玉調有文集二十餘卷墓在豐原之墟以廉夫人附子三人長琿次璿也季琫殤女三人孫男一挺之孫女一餘詳載墓誌偉業聞活千人者必有封中丞之討蘭州與水西也不多殺戮以侈首功不附宦寺以趣賞率髡人燹部可撫者撫之巴童竇女無歸者歸之其仁恩給於蜀人猶宋之張

益州焉黃巾禍亂食祿之家多見屠滅張氏子孫獨完受其福嗚呼上下三十餘年觀公父子之際亦可以知天道矣初偉業之識淮安君於浙也因吾友張黃門救菴以定交繼在京師得交吏垣君距今十有餘年矣淮安友道敦篤契分特深熟聞公家世行歷言之度足攷信茲以揭德樹阡為屬容敢用不文辭謹掇拾大者著之如右而系之以詩曰金門之竹有琅有玕上捎白雲下拂青鸞于焉晏衍于焉考槃河水漣漪一嶠巘岼篤生中丞功著西土紹啟我公主闕是補諤諤在廷不茹不吐亂之始生載禦其係皤皤黃髮有勞實多覆白僭慝讒口則那心之憂矣涕泣滂沱人亦有言我罪伊何洛之竭矣乃穿我墉井之冽矣乃完我躬誰其擠之我是用急誰其拯之使我心惻亂其有定天降厥祐王師徂征生民乃救帝思耆德召置左右豈不懷歸竭蹶恐後乃亞司空乃貳司馬帝曰汝勞錫之休假錦綺千純黃金百冶公拜稽首歸永之野飲此旨酒瞻望北邙哀我人斯何辜流亡愍余

一老歸焉永藏蒼蒼者天矢諸弗忘伐彼篔簹爰作笙簞嘒嘒管聲薦我蘋藻凡爾子孫不遐有詔神之聽之工祝致告維厥祖是承維先公是行鼎及奠刻茲令名如蒿與少不騫不崩後千百年家以永存

程福亮墓 舊志墓在錦陽山程家莊福亮總兵官贈光祿大夫

誥封驍騎將軍程公神道碑記

張玉書

蓋人臣立極允資勛定宏猷王佐垂勳克協褒嘉鉅典稽彼雲台之繪名矣丹青觀夫銅柱之標聲施竹帛壯士維邦之彥良臣詡世之楨乃若力拯橫流懋績藏於不伐身扶景運神休賁乎無窮幽宅既封穹碑宜植公諱福亮字大功河南永甯人也為洛國伊川公二十二代孫星分柳宿洛陽聿啟名宗地控龍門嵩少實鐘人傑祖宗澤贈驍騎將軍考養味以寇亂死難亦贈驍騎將軍境多烽火甯仗義以全仁國有災氛遂移忠而作孝公賦質偉岸負奇氣善射能文常隨母避亂賊陷東宋寨喪母因殺賊人以祭才由天授

群欽奪鵠之奇學自家傳早擅獲蛟之譽倥偬而奉聖善竭力承歡慷慨而獲元凶斷頭雪忿秦省制府多其智勇於順治辛卯委防整屋時賀才山作亂公以方略平之康熙丙午以功授西安守備十年學劍固有志於折衝一命分符遂矢心於保義用是旁巡曲沃諮士旗門因而移鎮潼關叅戎幕府迨滇黔告警專閫者零雨而念征人邛棘稱兵當宁者歌風而思猛士乃於癸丑歲陞遊擊值京兵入川徵馬與綠旗成釁公剴切調護潛消反側長安賴以全爰率精兵俘強賊開餉道扈王師與士卒分甘苦克臻底定同仇志切禮義息行伍之譁共濟情殷捍衛解閭閻之困程不識旌旗再出封豕潛形霍嫖姚刁斗重來長鯨喪魄飛芻輓粟不聞庚癸之呼執馘獻囚甯私甲乙之賞甲寅遷波羅副將平朱龍亂恢地數百里制府以聞於 朝晉懷慶總兵官圖將軍復以疏進

特簡興安掛印總兵統貔貅之衆而推心置腹寸膚未許敵傷開鵝鸛之營而

掃穴犁庭尺地皆為我有于是奏楓陛宴賜瀛臺

天語殷勤案上撒金盤之果

主恩優渥厩中分玉勒之駒精鏐燿燦燭咨冀北干城文綺續紛重眷閩南鎖鑰隨奉命留守魏興招流亡撫凋瘵救旱設糜賑饑澤被雍豫閭憫哀鴻之飛集而繪圖乞命以求起此瘡痍感雲漢之昭囿而解橐推恩必欲登諸衽席辛酉十二月會 覃恩封驍騎將軍榮及三代然以前母楊太君未遇贈特為請疏得與康太君同贈夫人天經地義心兼切於顯揚春露秋霜情更深於明發而且分祿以彰君惠品立名修刊書而表先型薪傳燈續公駐興日久以年老乞休不許前後上五疏始得致仕歸里東山卧穩方吟招隱之詩西鄙勳高忽作騎箕之客壬申十二月二十九日卒時春秋六十有九矣

詔遣官祭葬如制匪躬遏亂四十年戮力

皇家錫命酬庸千百襁遺榮天壤雖匣中龍劍已掛松楸而堂上象賢克傳
治子四人長者已成進士次主政又次縣尹均需次天官季方在幼學武緯
文經本淵源於家學珠聯璧合作楨幹於

王朝由今挹哲嗣之清標能無溯虎臣之駿烈長公屬余誌公墓烏可以不文
辭夫名在旂常奚煩載筆功垂帶礪不借颺言臚其行實庶韓昌黎無諛墓
之訛削彼煩稱使郭有道識題碑之旨云

程懋墓 舊志墓在岷山鎮北懋淮安知府大理鄉呂耀曾誌其墓

劉孝子墓 在馮西里孝子名芳蒙

旌

雷義士墓 在坡頭村義士名冲霓禦寇死

張烈婦顏氏墓 在王范里烈婦張檢妻拒暴死蒙

旌

洛甯縣志

卷三 邱墓

十八

翊中石印館印

曲烈女墓 在曲家村烈女名登姐拒暴死蒙

旌

張烈婦李氏墓 在大元村烈婦張元尹妻拒暴死蒙

旌

吳兆墓 在孫洞村南兆蒲州知州

